

حلم جديد

نفسى أشوف بكره جديد
والقلب فى الهنا وسعيد
أفراح من غير مواعيد
انسى أه أنسى التتهيد

والدنيا زى ما بنريد
لا ثانيه حبيبي ينساني
ولا يهجر ويروح لبعيد
قال أقابلك يقابلني أكيد

عمره ما يخلف المواعيد
زمان يحكم فينا نبعد
ساعه فى قربه هي العيد
حبنا أصلا حب فـريد

جوانا حب غريب وجديد
يعنى دنيا كأنها جنـه
حبه بقلبي دا حب شديد
خالى من أه أو تنهيد

تمر أيا منا الحب يزيد
أما اللام زى الحاسد
أبعد عنا لتبقى شريد
حبنا ثابت راسى أكيد

طيبة قلبي أوعى تغرك
لما أعدى ببقى عنيد
حبنا أكبر من أوهامك
هي همسه تروح بحديد

حبنا صادق مش أناشيد
أو أسطوانه تلف تكرر
يا طالب أنا فيها معيد
الأخلاص صافى متكرر

دا هو أنا ضد التبتيد
حب الناس كلها تهواه
كنت بروح وياه لبعيد
عند جزيره جوه قمره

نحلم حلم جميل وجديد
تحت النخله نقسم تمره
بلبل ييجى يغنى نشيد
وأنا قلبي مرتاح وسعيد

شهد الدنيا تصبه علينا
ونعيش قصة حب عتيد
النسمة جابت أحلامنا
ترحه وفرحه والزغاريد